

Na osnovu člana 32. Zakona o javnim nabavkama („Službeni glasnik BiH“, broj: 39/14 i 59/22), a nakon sprovedenog postupka javne nabavke putem konkurentskog zahtjeva za dostavljanje ponuda za nabavku usluga servisa službenih vozila, za potrebe Ministarstva spoljne trgovine i ekonomskih odnosa Bosne i Hercegovine, zaključili su u Sarajevu, dana _____, 2024. godine

OKVIRNI SPORAZUM ZA SERVISIRANJE SLUŽBENIH VOZILA

LOT 1- Usluge servisiranja vozila (Audi A6 50 TDI Qatro tiptronic , Audi A4 35 TFSI, T-Roc life 2.0 TDI i VW Golf VII- vozila pod garancijom) i

LOT 2- Usluge servisiranja vozila (Škoda Octavia Style 2.0 TDI, Toyota Land Cruiser 3.0D 4D, Toyota Auris 2.0D-4D HBSD M/T, VW Polo, JEEP Compass Limited)

Ministarstvo spoljne trgovine i ekonomskih odnosa Bosne i Hercegovine, Musala 9, 71000 Sarajevo, ID broj: 4200071920007, koje zastupa ministar Staša Košarac (u daljem tekstu :Ugovorni organ)

i

M.R.M. Export-Import d.o.o. Ljubuški, sa sjedištem Hrašljani 12, Ljubuški, JIB: 4272073080007 kojeg zastupa Robert Grubišić, direktor (u daljem tekstu: Dobavljač).

I. PREDMET OKVIRNOG SPORAZUMA

Član 1. (Predmet)

(1) Predmet ovog Okvirnog sporazuma je nabavka usluga servisiranja službenih vozila za potrebe Ministarstva spoljne trgovine i ekonomskih odnosa Bosne i Hercegovine (u daljem tekstu: ugovorni organ).

(2) Ugovorni organ i Dobavljač saglasni su da Okvirni sporazum realizuju prema definisanim uslovima iz Tenderske dokumentacije i prema sadržaju Ponude, broj: 15/24 i Ponude broj: 16/24 od 7. 5. 2024. godine.

II. VRIJEDNOST OKVIRNOG SPORAZUMA I ROK PLAĆANJA

Član 2. (Vrijednost Okvirnog sporazuma, količine i način plaćanja)

(1) Okvirni sporazum se zaključuje sa procijenjenom vrijednosti nabavke do 34.551,38 KM, za LOT 1- 16.568,64 sa uračunatim PDV-om, za LOT 2- 17.982,74 sa uračunatim PDV-om, a količine roba i usluga vrše se po potrebi Ugovornog organa, po cijenama iz obrasca za cijenu ponude.

(2) Ukupna plaćanja sa uključenim porezom na dodatnu vrijednost, na osnovu svih pojedinačnih izvršenih usluga po zahtjevima ugovornog organa na osnovu Okvirnog Sporazuma ne smiju prelaziti procijenjenu vrijednost nabavke iz stava (1) ovog člana.

(3) Sporazumne strane su saglasne da cijene iz Aneksa 2a i 2b, ponude Dobavljača, ostaju nepromijenjene za vrijeme trajanja ovog Sporazuma.

Član 3.

(Rok plaćanja)

Plaćanje usluga iz člana 1. ovog Sporazuma, ugovorni organ vrši u roku od 15 dana od dana prijema računa ispostavljenog od strane Dobavljača.

III PERIOD VAŽENJA I NAČIN IZVRŠENJA

Član 4.

(Period važenja Okvirnog sporazuma)

(1) Ovaj Okvirni sporazum zaključuje se na period od 24 mjeseca, računajući od dana stupanja Okvirnog sporazuma na snagu ili do gornjeg praga vrijednosti do kojeg sporazum pojedinačnim narudžbenicama/ugovorima može biti iscrpljen/iskorišten.

(2) Ugovorni organ utvrđuje безусловnu bankarsku garanciju za dobro izvršenje ugovora na iznos od 5% (pet posto) od vrijednosti pojedinačnog ugovora - sa periodom važenja 30 dana dužim od važenja pojedinačnog ugovora, naplativom na prvi poziv.

IV OBAVEZE DOBAVLJAČA

Član 5.

(Obaveze Dobavljača)

(1) Dobavljač usluga se obavezuje da ugovorene usluge izvršava stručno i kvalitetno u skladu sa važećim standardima i pravilima struke u periodu od 24 mjeseca.

(2) Dobavljač je dužan da se na usmeni ili pismeni poziv Naručioca (tel/faks/mail) odazove i pristupi otklanjanju kvara u roku koji ne može biti duži od 48 sati od sata upućivanja poziva od strane Ugovornog organa.

Dobavljač je dužan da obezbijedi raspoloživost servisa 5 dana u nedelji, u radno vrijeme.

V RJEŠAVANJE SPOROVA

Član 6.

(Rješavanje sporova)

Sve eventualne sporove proistekle iz ovog Sporazuma, sporazumne strane rješavaju u skladu dobrih poslovnih običaja, a ako to ne bude moguće, nadležan je Sud Bosne i Hercegovine u Sarajevu.

VI ZAVRŠNE ODREDBE

Član 7.

(Završne odredbe)

(1) Sporazum je punovažan i proizvodi pravno dejstvo nakon što ga potpišu sporazumne strane.

(2) Sporazum je sačinjen u 4 (četiri) istovjetna primjerka, od kojih svaka sporazumna strana zadržava po 2 (dva) primjerka.

Datum: 25.06. 2024. godine

Broj: 11-3-02-1527-9/24

Za Naručioca usluga:
Staša Košarac, ministar

Za Pružaoca usluga:
Robert Grubišić, direktor

